



Det er i dette området sør i Flatholm den nye nausttrekkja er tenkt lagt

Det er no halde oppstartmøte for det planlagte, nye naustprosjektet på sørsida av Flatholm. Sameiget ynskjer at det skal ha 4 naust som er 40 kvadratmeter store. Det er borneborna etter Sylvia og Erling Myklebust som vil få naust der.

I oppstartmøtet deltok Harald Bjørndal som representant for forslagsstillar Asle Reime og 4 frå kommunen.

Føremålet med eit oppstartmøte er at kommunen vert informert om innhaldet i planen og avgrensing av planområdet. Kommunen avklarar så plansituasjonen, krav til ny planleggjing, offentlege føresetnader og kva som skal til for å få ein god plan og planprosess.

Møtet skal ikkje avklare viktige punkt som skal avgjerast i den vidare planprosess fram til politisk vedtak.

Tekst, foto og nett: Ola Matti Mathisen